



ՀԱՍՏԱՏՈՒՄ ԵՄ՝  
 ՀՀ ԲՆԱԴԱՆՈՒԹՅԱՆ  
 ՆԱԽԱՐԱՐ  
 Ա. ՄԻՆԱՅԱՆ

«20» 11 2017թ

# ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ  
 ՓՈՐՁԱՔՆՆՈՒԹՅԱՆ

ԲՓ 105

**Ձեռնարկողը՝**

**<<ԿԱՊՈՒՅՏ ԲԱԶԱՆՏ>> ՍՊԸ**  
 ՀՀ Սյունիքի մարզ, Սպանդարյան փող. 3, 9փ

**Գործունեությունը՝**

**Սպանդարյան-1 բազալտների երևակումում ընդերքի  
 երկրաբանական ուսումնասիրության շրջակա  
 միջավայրի վրա ազդեցության նախնական  
 գնահատման հայտ**  
 ՀՀ Սյունիքի մարզ

«Շրջակա միջավայրի վրա ազդեցության  
 փորձաքննական կենտրոն» ՊՈԱԿ-ի  
 տնօրեն՝



Վ. Սահակյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ  
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 105

<<20>> 11 2017թ.

**«Սյունիքի մարզի Սպանդարյան-1 բազալտների երևակումում ընդերքի երկրաբանական ուսումնասիրության շրջակա միջավայրի վրա ազդեցության նախնական գնահատման հայր»**

Ձեռնարկող՝ <<ԿԱՊՈՒՅՏ ԲԱԶԱԼՏ>> ՍՊԸ  
Փաստաթղթի տեսակը՝ Շրջակա միջավայրի վրա ազդեցության  
նախնական գնահատման հայտ /Գ կատեգորիա/  
Գտնվելու վայրը՝ «Սյունիքի մարզ, Գորայք համայնք»



Handwritten signature in blue ink on the left margin.

<<ԿԱՊՈՒՅՏ ԲԱԶԱԼՏ>> ՍՊԸ կողմից «Սյունիքի մարզի Սպանդարյան-1 բազալտի երևակման տարածքում 2017-2018թթ. ընթացքում նախատեսվում է իրականացնել օգտակար հանածոյի երկրաբանական ուսումնասիրության աշխատանքներ: Երկրաբանական ուսումնասիրության աշխատանքների նպատակն է՝ պարզաբանել ապարների համապատասխանությունը երեսապատման նյութի (ըստ 9479-98 ԳՈՍՍ-ի) և շինարարական խճի (ըստ 8267-95 ՀՍ ԳՈՍՍ-ի) ստացման համար:

Սպանդարյան-1 բազալտի երևակումը գտնվում է «Սյունիքի մարզի Սպանդարյան գյուղից 1.5 կմ դեպի հարավ, Որոտան գետի ձախ ափին: Մոտակա բնակավայրերն են՝ Գորայք, Ծղուկ, Անգեղակոթ, Սառնակունք և Շաքի գյուղերը: Երևակումը գտնվում է փոքր սարահարթի (պլատո) սահմաններում զբաղեցնում է մոտ 4.0 հա տարածք: Այն բնութագրվում են կտրտված ռելիեֆով, զբաղեցնում է մոտ 4 հա մակերես: Ուսումնասիրվող տարածքի մակերևույթի բացարձակ նիշերը տատանվում են 2000-2015 մ-ի սահմաններում: Երկրաբանամորֆոլոգիական տեսակետից տեղամասը ծածկված է չորրորդականի ժամանակակից այլուվիալ և դելյուվիլ նստվածքներով, երկրաբանական կառուցվածքում մասնակցում են հրաբխածին և հրաբխանստվածքային նստվածքները: Երևակման տարածքում սողանքային երևույթներ չեն դիտարկվել, մակերևութային և ստորերկրյա ջրային հորիզոնները բացակայում են: Տեղամասը գյուղատնտեսական նպատակներով չի օգտագործվում, զուրկ է անտառային ծածկույթից:

Երկրաբանահետախուզական աշխատանքները նախատեսված են իրականացնել հորատանցքերի և բացահանքի անցմամբ, հաշվի առնելով բնական մերկացումները, կատարվելու են փաստագրման և նմուշարկման աշխատանքներ:

<<Կապույտ Բազալտ>> ՍՊ ընկերությունը Սպանդարյա-1 բազալտի երևակման տեղամասում երկրաբանական ուսումնասիրության նպատակով նախատեսում է իրականացնել հետևյալ աշխատանքները.

- տոպոհանույթ և երկրաբանական հանույթ՝ 3.8434 հա տարածքում,
- 4 հորատանցքերի հորատում՝ 90գ.մ. ընդհանուր ծավալով,
- բնական մերկացումների, հորատահանուկի նմուշարկում,
- 200մ<sup>2</sup> փորձնական հանույթի իրականացում ,
- նմուշների լաբորատոր հետազոտություն,
- հետախուզված պաշարների արդյունաբերական նշանակության գնահատում,
- աշխատանքների ավարտից հետո խախտված տարածքների ռեկուլտիվացիա:

Հատկացված տարածքի սահմաններում պաշարների եզրագծման համար հետախուզական ցանցի խտությունը B կարգի պաշարների եզրագծման համար ընդունված է 185-215մ: Ընտրված են հորատանցքերի տեղադիրքը և վերջիններիս խորությունները:

Նախագծով նախատեսվում են 1:1000 մասշտաբի երկրաբանահանույթային աշխատանքներ, հորատանցքերի հորատում, նմուշարկում, փորձնական հանույթ ռադիոմետրական և ինժեներա-հիդրոերկրաբանական ուսումնասիրություններ: Մանրամասն երկրաբանական փաստագրման ենթակա են հորատանցքերի հորատահանուկը և բնական մերկացումներն ու բացահանքը:

Հորատման աշխատանքները կիրականացվեն սյունակային ուղղաձիգ հորատանցքերի հորատման միջոցով, կարծր համաձուլվածքային՝ 132-112 մմ տրամագծով թագիկներով: Նախատեսվում է հորատել 20 - 25 մետր խորության 4 հորատանցքեր՝ 90 մետր ընդհանուր ծավալով, հորատահանուկի նվազագույն ելքը՝ 80%: Հորատումն իրականացվելու է ինքնագնաց հաստոցով:

Հորատվող ապարները համապատասխանում են հետևյալ կարգերին:

- ժամանակակից դեյուվիալ առաջացումներ - IV կարգ
- հողմահարված, ճաքճքված բազալտներ - VII կարգ
- թարմ բազալտներ - VIII կարգ
- խարամացված բազալտներ և խարամներ - VI կարգ :

Հաշվի առնելով ուսումնասիրվող տարածքի հարթ ռելիեֆը, հորատման աշխատանքների իրականացման համար նախատեսվում է 100 խմ հորատման հրապարակների շինարարություն: Ճանապարհների շինարարություն չի նախատեսվում: Երկրաբանական փաստագրման աշխատանքները նախատեսվում են կատարվել 1:100 մասշտաբով, որոնց աշխատանքների ծավալներն ըստ տեսակների հետևյալն են. հորատահանուկի փաստագրում՝ 90մ, բնական մերկացումներ՝ 30մ, փորձնական բացահանք՝ 40մ:

Նմուշարկումն իրականացվելու է հորատանցքերի հորատահանուկից, բացահանքից և բնական մերկացումներից: Օգտակար հանածոյի ֆիզիկամեխանիկական հատկությունները որոշելու նպատակով հորատահանուկի նմուշների սեկցիայի երկարությունը կկազմի մինչև 5մ, հանուկային նմուշների ընդհանուր քանակը 13 (65մ): Մենաքարերի ընդհանուր քանակը կկազմի 8 հատ (20x20x20սմ չափսերի): Քիմիական կազմը որոշելու նպատակով նախատեսվում է վերցնել 2 նմուշ, իսկ քարաբանական կազմի ուսումնասիրման նպատակով՝ 2 նմուշ:

Նախատեսվում են նաև ռադիոմետրիական ուսումնասիրություններ՝ օգտակար հանածոյի ռադիացիոն – հիգիենիկ հատկությունների որոշման նպատակով: Լաբորատոր հետազոտման կենթարկվի մեկ համախառն նմուշ՝ խճի ուսումնասիրման համար:

Լեռնային զանգվածից պիտանի բլոկների ելքի տոկոսի որոշման համար նախատեսվում է երևակման սահմաններում փորձնական բացահանքի անցում՝ 300մ<sup>3</sup> ծավալով, փորձնական հանույթի ընդհանուր ծավալը կկազմի 200մ<sup>3</sup>:

Լաբորատոր ուսումնասիրությունները և նմուշների ֆիզիկամեխանիկական փորձարկումներ նախատեսվում են կատարել համապատասխան մասնագիտացված լաբորատորիայում: Երկրաբանահետախուզական և հիդրոերկրաբանական պայմանների ուսումնասիրման նպատակով նախատեսվում են համապատասխան դիտարկումներ՝ հետախուզական փորվածքների և հորատանցքերի անցման ընթացքում:

Նախնական գնահատման հայտում ներկայացվել է երկրաբանական ուսումնասիրության աշխատանքների ընթացքում շրջակա միջավայրի բաղադրիչների /մթնոլորտային օդ, ջուր, հող, կենսաբազմազանություն/ պահպանությանն ուղղված հետևյալ միջոցառումները, այդ թվում՝

- հանքերևակման տարածքներում և ավտոճանապարհների մակերեսներին մթնոլորտային օդի որակի և հողի որակի պարբերաբար դիտարկումներ,
- Փոշեգոյացման կանխման նպատակով արտադրական գոտիներում (փորձնական հանույթի բացահանքի սահմաններում) ջրցանում:
- Կիրառվող հանքային տեխնիկայի և սարքավորումների տեխնիկական վիճակի կարգավորում, արտանետման խողովակի վրա գոտիչների տեղադրում /ծխազագերի գերնորմատիվային արտանետումները կանխելու նպատակով/:

Ուսումնասիրության աշխատանքների ընթացքում չի նախատեսվում քիմիկատների օգտագործում և վտանգավոր արտահոսքեր չեն առաջանա, անձրևաջրերը և ձյան հոսքերը տարածքից կհեռանան բնական առվակների միջոցով: Տեխնիկական նպատակով ջրօգտագործումը կիրականացվի ջրատար մեքենայով, իսկ որպես խմելու ջուր նախատեսվում է օգտագործել շշալցրած ջրերը:

Ռեկուլտիվացիոն աշխատանքները նախատեսվում է իրականացնել հետախուզական աշխատանքների ավարտից հետո: Հողաբուսական շերտի պահպանության նպատակով նախատեսվում է հորատման հարթակների և փորձնական հանույթի բացահանքի անցման ժամանակ տարածքում առկա հողի վերին շերտը հանել և պահեստավորել, երկրաբանահետախուզական աշխատանքների ավարտից հետո այն օգտագործել ռեկուլտիվացիոն աշխատանքների և բնական լանդշաֆտի վերականգնման համար: Ռեկուլտիվացիոն աշխատանքների իրականացման համար <<ԿԱՊՈՒՅՏ ԲԱԶԱԼՏ>> ընկերության կողմից նախատեսվում է հատկացնել 100000 (հարյուր հազար) ՀՀ դրամ:

Նախատեսվող գործունեության իրականացման ընթացքում ընկերությունը շրջակա միջավայրի վրա հնարավոր ազդեցության կանխարգելման և շրջակա միջավայրի բաղադրիչների /օդ, ջուր, հող/ որակի վերահսկողության համար նախատեսում է մշտադիտարկումներ, որոնց գործողությունների ծախսերը նախնական գնահատվել են 250 հազար դրամ:

Նախնական գնահատման հայտի փորձաքննության փուլում ՀՀ օրենսդրությամբ սահմանված կարգով 06.10.2017թ. ՀՀ Սյունիքի մարզի Գորայք համայնքում իրականացվել է հանրային քննարկումներ: Քննարկումների ընթացքում ծրագրի իրականացումը հանրության

կողմից արժանանցել է հավանության այն նկատառումներով, որ հետագայում հանքավայրի շահագործումը որոշակիորեն կարող է նպաստել համայնքի, կամ բնակավայրի սոցիալ-տնտեսական զարգացմանը՝ ստեղծելով լրացուցիչ աշխատանքային ռեսուրսներ:

**Եզրահանգում.** Երկրաբանական ուսումնասիրության ընթացքում աշխատանքների ոչ մեծ ծավալների պատճառով շրջակա միջավայրի վրա ազդեցությունները կլինեն ոչ զգալի, կկրեն ժամանակավոր և տեղային բնույթ: Հայտում ներկայացված բնապահպանական միջոցառումների ապահովման դեպքում, գործունեության իրականացման ընթացքում աղտոտվածությունը օդային և ջրային ավազանների, ինչպես նաև հողային ռեսուրսների վրա կգտնվի թույլատրելի նորմերի սահմաններում:

### Փորձաքննական պահանջներ

1. Երկրաբանական ուսումնասիրության աշխատանքների ընթացքում անհրաժեշտ է՝
  - պարբերաբար իրականացնել մշտադիտարկման (մոնիտորինգի) պլանում ներառված հողի, ջրի, օդի որակի վերահսկման միջոցառումներ՝ շրջակա միջավայրի վրա հնարավոր ազդեցությունները կանխարգելելու նպատակով:
  - առաջացած տարբեր տեսակի թափոնների հեռացումն ու տեղադրումն իրականացնել ՀՀ օրենսդրությամբ սահմանված կարգով՝ համայնքի ղեկավարի հետ համաձայնեցված:

### ԵԶՐԱԿԱՑՈՒԹՅՈՒՆ

«ԿԱՊՈՒՅՏ ԲԱԶԱԼՏ» ՍՊԸ կողմից ներկայացված ՀՀ Սյունիքի մարզի Սպանդարյան-1 բազալտների երևակումում կատարվելիք երկրաբանական ուսումնասիրության՝ շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն, վերը նշված փորձաքննական պահանջներիի պարտադիր կատարման պայմանով:



Գլխ. Սասնագետ՝

Հ. Մկրտչյան